



UNIVERSITÄTS-
BIBLIOTHEK
PADERBORN

**EVANGE=||LIA || QVAE CONSVETO || MORE DOMINICIS ET ||
alijs Festis diebus in Eccle-||sia leguntur**

Aemilius, Georg

COLONIAE, 1555

Dominica Cantate. Evangelivm Ioannis XVI.

[urn:nbn:de:hbz:466:1-69317](https://nbn-resolving.org/urn:nbn:de:hbz:466:1-69317)

EVANGELIA


Nullas erit qui uestra nocens tum gaudia tollat.
Tunc erit illa dies non ampliùs ulla rogandi,
Omnia nam per uos, quæ nunc ignota, scietis.

DOMINICA CANTATE.

EVANGELIUM IOANNIS XVI.

ARGUMENTUM.

Consolatorem hinc abiens promittit Iesus:
Arguet & mundum de quibus ille monet.



Nunc ego discedēs ad summū uado patetis,
Qui prius è celo mundi me misit in orbem:
Quoq; abeam uestrū me non interrogat ullus,
Sed quoniam uobis hæc sum modò uerba locutus,
Pectore mæsticiam capitis, uanumq; timorem,
Ignari fortisq; meæ, uestrūq; bonorum.
Propterea uerè dico, testorq; fidelis,
Expedit hoc uestræ, quòd ego discedo, salutis:

Nan

DOMINICALIA.

Nam si non iëro, poterit non ille uenire
Solator, toties uobis promissus ab alto:
Sin abeam uerò, ueniens super æthera mittam
Illum continuò uobis bona summa ferentem.
Ergo ubi de celo ueniet demissus in orbem,
Arguet ingratum triplici de crimine mundum:
Ut de peccato, quoniam non creditur in me:
Et de iusticia, ad summum quia uado parentem,
Posthàc in mundo nec me, uelut antè, uidetis
Tum de Iudicio, mundi quia cum grege princens
Ipse suo iam tum est nigrum damnatus ad Orcum
Præterea uobis memorem quæ, multa supersunt:
Omnia sed uideo iam non portare potestis.
Spiritus at ueri cùm uenerit, ille docebit
Omnia uos, ueriq; uias traducet in omnes:
Non etenim de se quæ proferet, ille loquetur,
Sed mandata sibi cæloq; audita retexet,
Et uentura canet uobis casusq; futuros:
Idem etiam toto me glorificabit in orbe,
Accipietq; meo, uobis quæ nunciet, ore.
Omnia quæ Genitoris habet suprema potestas,
Hæc mea sunt etiam, sine me nil possidet ille:
Propterea dixi, quòd Spiritus omnia de me
Accipiet, uobis & nuncius illa sonabit.

F S DOMI-